



Selamat Datang
Ke Laman Portal
Universiti Putra Malaysia

UTAMA | FAKTA & ANGKA | MEDIA | DIREKTORI KAKITANGAN | LOKASI | PETA LAMAN | SOALAN LAZIM | HUBUNGI KAMI

CARI



Rabu, September 11, 2013

MENGENAI KAMI | PENYELIDIKAN | AKADEMIK | JARINGAN | ANTARABANGSA | KEHIDUPAN KAMPUS
PERKHIDMATAN

A- | A+ | ENGLISH

BERITA »

80 pelajar terima sumbangan Hari Raya Tuanku Canselor UPM

Oleh Noor eszereen Juferi
Foto oleh Marina Ismail



SERDANG, 19 Julai (UPM) – Tuanku Canselor Universiti Putra Malaysia (UPM), Sultan Sharafuddin Idris Shah, berkenan menyampaikan sumbangan Hari Raya kepada anak yatim dan asnaf yang terdiri daripada 50 pelajar sekolah sekitar Serdang dan 30 pelajar UPM di sini.

Baginda menyampaikan sumbangan itu sempena Majlis Berbuka Puasa dan Solat Tarawih bersama kira-kira 1,000 warga UPM dan komuniti sekitar di Masjid UPM.

Turut diadakan di majlis itu ialah penyerahan sumbangan Wakaf Ilmu UPM sebanyak RM339,848.92 yang terdiri daripada orang perseorangan, rakan korporat UPM dan juga staf serta pelajar universiti.



Sumbangan turut disampaikan oleh staf UPM melalui Pejabat Pendaftar UPM sebanyak RM131,561; tabung masjid melalui Pusat Islam, Mohamed Ghazali Ali, RM109,706.17; Pusat Alumni UPM RM40,000; Koperasi UPM, RM11,000; Pelajar UPM RM12,581.75; Binsabi.com Sdn. Bhd, RM25,000 dan Century Software Sdn. Bhd., RM10,000.

Sementara itu, Pengerusi Lembaga Pengarah UPM Holdings Sdn. Bhd., Tan Sri Datuk Dr. Ahmad Tajuddin Ali turut menyembahkan zakat perniagaan UPM Holdings bagi tahun 2012 berjumlah RM173,000 serta bayaran dividen UPM berjumlah RM 1 juta kepada UPM.

Wakaf Ilmu itu bertujuan memudahkan warga dan alumni UPM serta masyarakat memberi sumbangan berpandukan konsep wakaf untuk membantu pembiayaan aktiviti akademik, penyelidikan dan pemajuan ilmu di UPM. – upm

- nej/kgo/kamn

RSS | Dasar Privasi | Dasar Keselamatan | Penafian | Notis Hakcipta | Peta Laman | Bantuan| Jumlah Pelawat : 2753758
Paparan terbaik menggunakan Internet Explorer, Safari, Firefox, Google Chrome dengan resolusi 800 x 600 dan 1024 x 768 (S1)

@2013 Universiti Putra Malaysia
Kemaskini Terakhir : 11 Sep 2013

